

## **IDARA ANDITIENE-CHRIST**

**Ñwed Mbon Philippi 3:1-3, 7-16, 20, 21; 4:1-7,9-13.**

**ỌYỌHỌ UKPEP-ÑKPO 406**

**Eke Mkparawa**

**IKỌ IBUOT: “Edat esit ke Ọbọñ kpukpru ini nyetọñọ ntak ndọhọ, Edat esit”  
(Ñwed Mbon Philippi 4:4).**

### **Anditiene-Christ Emi Okopde Inemesit**

Paul, owo-mbet ekedi anditiene-Christ emi okokopde idaresit koro enye ama enyene erikabare esit. Abasi ama onyũn ọnọ enye mme utibe ediyarare emi ekenamde enye okop idaresit, edi enye ñko ama asian Paul ete ke enye eyekut ukut ke ntak Eti-mbuk. Ke akpanikọ enye ama onyũn okut! Ema emia Paul, ubom esie ama osip, nditọ-ete abiaña ema ebiaña enye; enye ama okop biọñ ye tuep enyũn esin enye ke ufọk-ñkpọkọbi ke ntak Eti-mbuk. Kpa ye oro, enye ekeme nditiñ ete, “Edat esit ke Ọbọñ.” Mbon Philippi emi enye ekewetde mme ñkpọ emi enọ ke ifet enye emi, ke akpanikọ ema eti nte Paul ye Silas ekekwođe ikwo ke ini mmọ ekedude ke ufọk-ñkpọkọbi ye nte iyip ọkwořode mmọ ke edem ke akpa isañ mmọ ndika ke Philippi. Paul ikoyomke owo ndomo-kiet anam ñkpọ emi enye mikekemeke ndinam ke idem esie. Enye ama odomo ọfiok ete ke Abasi eyenọ uñwam ke kpukpru ini idomo ke uwem, ye utip emi edinọde enye ke mbuotidem esie.

Akwa udọñ Paul ekedi ndika ñkodu ye Jesus ke Heaven. Enye ama etiñ ete ke imọ ikọbọ ndutuhọ oro ke ntak idorenyin eriset ke mkpa. Enye ama ọfiok ete edieke owo ediwođe imọ eyenam isọp ikodu ke Heaven. Enye ama okut nte eketọñode Stephen ke itiat; ñko ama okut uyama ubọñ Abasi ke iso esie ke ini emi uwem esie oyomde ndibe mfep. Enye ama okop nte Stephen eketiñde ete, “Sese, mmokut Heaven nte anade iñwañ, mmonyũn ñkut Eyen Owo nte adade ke ubọk nnasia Abasi” (Utom Mme Apostle 7:56). Paul ama enyene ọkpọsọñ udọñ ndikut ukem ñkpọ emi, oro akanam enye onyime ndikpe ekọm urua eke ekpededi man ekeme ndikut. Ekikere ndikut Jesus ama enem enye esit eti-eti. Oro edi ntak emi enye ekesikopde idaresit kpukpru ini. Owo baba kiet ikekemeke ndibọ enye idorenyin emi mfep.

Edieke nnyin imanade obufa, nnyin idi nditọ Abasi ye mme adia-akpa Esie. Nnyin imebuana ñkpọ ye Christ inyene udeme ke kpukpru mme ubọñ emi odude ke Heaven. Koro Jesus akade nditim itie nnim nnọ nnyin, ebiet emi enyenede ubọñ akan se owo ekpekemedede ndikere. Paul ama etiñ ete, edieke nnyin imede ime ye Christ, nnyin ñko iyeda ubọñ ye Enye.

### **Mme Ntọt**

Paul ama ada ini ndidu uwem esie man otodo enye odot ndikeme ndikop inemesit ke Heaven ye Jesus, enye ama asian mbon Philippi ndidu uwem man mmọ ñko ekeme ndida nsinsi uwem nnyene. Enye ama etiñ ọnọ mmọ ete ekpeme idem ye mme ebua—enyiñ emi enye ọkọnọde mme idiok owo, ye idiok mme anam-utom ye mme ekpeñe-idem. Mme “ekpeñe-idem” ekedi mme okpono Abasi ke ido mme Jew emi mikenyimeke nditiene Jesus, ekenyũn edomode ndiwọñore mme anditiene-Christ ekutiene Jesus. Mmọ ekekwořọ ete ke owo enyene ndinim mme ido ye edu Ibet man ọkpọbọ erinyaña.

Mme Jew ekeyire ete ke mmimọ ikamana ito ke ubon Abraham, ke ntre mmimọ ikpọñ idi ñkukure ubon emi edikade Heaven. Ke ini Paul etiñde ete, “Nnyin di mme ana mbobi” enye eketiñ abaña ete ke nnyin emi imanade obufa emi inyũn inimde mme ewuhọ Abasi idi ata nditọ Abraham. Abraham ama ọbuot idem ye Jesus, ndien mbuotidem esie ama anyaña enye; ntre ñko ke nnyin emi idide itiene Jesus ke erikabare esit, inyũn inimde ke akpanikọ ite ke Jesus edi Edisana Eyen Abasi emi akakpade ọnọ nnyin, idi ata nditọ Abraham; “Edieke mbufo edide eke Christ, mbufo enyũn nditọ Abraham; nte uñwọñọ edide, mbufo edi mme ada-udeme enyene” (Ñwed Mbon Galatia 3:29).

### **Erinyaña Itoho Ke Edinam Utom**

Ke ini enye etiñde ete, “Nnyin minyũn iberike idem ke obukidem”, enye etiñ ete, okposuk edi mme ete esie ekedide mme Jew, ye nte enye okotimde onim ido ye edu Ibet, edi emi ikọnọhọ unen ndika Heaven. Paul ama etiñ ete ke imọ imenyene akamba unen nte mmọ efen, ke ndida itie esie ke ubon nditọ Abasi oto ke emana emi enye akamanade oduk ke ubon mme Jew, edi enye ama okut ete

ke ndomo kiet ke otu oro idinamke imo idot ndiduk ke Heaven. Enye etin ete. “Edi mme nkpo eke ekpedide udori eno mi, ke nkabat mmq nte ntak-urua kabaña Christ. ... mbat kpukpru nkpo ke ntak-urua, man mbq akan ifioq Christ” (Nwed Mbon Philippi 3:7, 8). Ke Jesus ikpon ke enye mme owo efen ekeme ndibo erinyaña.

Mme owo edu mfin emi ekerede ete edieke ikade ufok-Abasi ke usenubok ederi nko minyui inamke baba owo kiet idiok, ke mmimo iyeka Heaven. Ndusuk ekere ete edieke ikade ufok-Abasi ke Saturday, inyui itrede ndita unam, ke iyeka Heaven. Ndusuk eda ke mme inuk efak enyam mme nwed enyui ekere ete ke iyeda Heaven inyene ke utq usuñ emi. Owo ekpeyak ofuri uwem esie ndiñwam mbon udono ye ubuene ke afañ usobq idem emi ikemeke ndinyaña ukpon owo.

**“Idiok mi nsiyet?**

**Nso idisio mi ndek?**

**Kpasuk iyip Qbon Jesus.”**

Paul amayak kpukpru etop ke abaña idaha esie nte Jew enim man asaña ye Jesus, osuk ibuoq ono mme ukpep-nkpo Esie. Usui kiet kpqt odu ono owo ndibo erinyaña: “Mbufo enyene nditono ntak mmana” (John 3:7). Nkani nkpo enyene ndibe mfep, enyene ndiwubere nda mmana uduot idiok-nkpo mfep, ndien kpukpru nkpo emekabare edi obufa ke uwem nnyin, edieke nnyin iyomde ndidu ke mbeñe-idem ndika Heaven.

Ke Paul amakayak kpukpru nkpo, enye okut ete ke nkpo ke ososuhq ono imo ndinam. Ifet okosuk ododu enye nditaba nsinsi uwem, edieke enye midaha ntiñ-enyin isaña. Enye ama esin ofuri ukeme onyui ekeme ndidoho ete, “Mmesin ifik nka iso mbine utit mbuba, man mkpobq utip akwa ikot eke Abasi okokotde mi ke Christ Jesus” (Nwed Mbon Philippi 3:14).

### **Nditq Obio-ubon Heaven**

Edi obio nnyin odudu ke Heaven,” ekeme ndikot ntem ete, “Ebiet iduñ nnyin odu ke Heaven.” Ke nnyin ima ikamana obufa emi inyenede udeme ye Christ, nnyin idi nditq obio-ubon Heaven emi anade nte nnyin idu uwem ke ererimbot emi nte mme isui utom emi itode ke obio emana nnyin idi.” Nte mme owo ekeme nditiñ nte ke afo edi anditiene-Christ oto ke usuñ nte afo odude uwem?

Ini kiet ke Jesus ama okosio mbet esie qdon ete ekekwoq iko, mmq efiak edi ye idaresit koro kpa mme ndedehe spirit esukde ibuoq eno mmq. Jesus qboroq ete “Ekudat esit koro mme spirit esukde ibuoq eno mbufo; edi edat esit koro ema ewet enyin mbufo ke Heaven” (Luke 10:20). Ndiwet enyui nnyin ke Heaven edi nkpo eke okponde akan ke uwem nnyin. Kpa ye oro ema ekewet enyui nnyin do, ana nte nnyin ikpeme man enyui nnyin osuhq do. Edieke, ema eke nyaña nnyin ini kiet ko, nnyin ifiak ikanam idiok nkpo, Abasi eyesohi enyui nnyin efep ke nwed Esie. Enye etin ete “Owo eke eduede mi, enye ke nsqhi ke nwed mi mfep” (Exodus 32:33). Ke ema ekewet enyui nnyin ke Heaven, nnyin ikop inem nditiñ mbaña nkpo enyoi. “Qtq nte nkpo-uto fo odude, do ke esit fo edinyui odu” (Matthew 6:21).

### **Eridi Qbon**

Eti idorenyin ye ubon mme anditiene-Christ edi ndibuana ke Ntañ-ndok ufok-Abasi. Ekeme nditibe ini kiet ekededi, ke ntre, edi akpan nkpo nnyin ndibeñe idem kpukpru ini. “Eyak kpukpru owo ekut ete emetim ekara esit mbufo”. Eyak mme owo ekut ete ke afo odu uwem ono Jesus, koro Qbon ke ekpere. Du uwem kpukpru ini nte Jesus omqon qwoq owut idem idaha emi.

### **Andibiom Mbiomo Nnyin**

“Ekutimere esit ke baba nkpo kiet”. Etop kpukpru okposon ekikere eke otimerede mbufo esit eduq edori ke Qbon ndien enye eyenq mbufo uñwam koro Enye ke kere mbufo. Yak Enye ono fi se afo ananade, kunyui ufina ubaña mme unana fo ke ini iso. Jesus etin ete, “Ekutimere esit ebaña uwem mbufo, ete ididia nso, mme idinwoñ nso; mme ebaña ikpohidem mbufo, ete idisine nso? Nte uwem ikanke udia? Nte ikpohidem inyui ikanke edisine-nkpo”? (Matthew 6:25). Edinyene erinyaña edi nkpo eke okponde eti-eti akan ndinyene udia ye edisine-nkpo. Erinyaña edi uwem nnyin. Edi ke ndidian do, Qbon omqioq se nnyin inanade omonyui qñwoq ndino edieke nnyin idibuqde idem ye Enye. “Ese mme inuen enyoi, ete mmq itoho-tq, inyui idokke-dok, inyui ibonke

inim ke ubet; ndien Ete mbufo emi odude ke Heaven ọbọk mmọ. Nte mbufo ikponke ikan mmọ”? (Matthew 6:26). Nte afo ọmọfiọk ete ke Jesus etiñ ete ke “imokpon ikan” mme inuen emi enye etiñde enyiñ ese?

### **Usuñ Nte Ikpọbọñde Akam**

Paul, owo-mbet ama ọnọ nti item ke abañā usuñ nte ikpọ-bọñde akam. Enye etiñ ete: ke kpukpru ñkpọ, esañā ye akam ye mkpe-ubọk ye ekọm, esian Abasi se mbufo eyomde” (Philippi 4:6). Ke ini ọtọñde ndibọñ akam, ti mme ndusuk ñkpọ emi Abasi ama ekebem iso anam ọnọ fi. Adañā nte ọtọñde ndikọm Enye ke mme ñkpọ oro idara eyeyọhọ esit fo. Edieke afo mukemeke ndikere mbañā nti ñkpọ eke Abasi anamde ọnọ fi, kere baba Ebiet iduñ emi Enye akade nditim nnọ fi ke Heaven, ñko ke eyedi mmem-mmeme ọnọ fi ndidu ye Jesus. Dara ke Abasi emi ọdọhọde ete, “Owo ekededi eke amade” yak enye edi. Nnyin kpukpru idu ke esit oro. Kọm Abasi ke ediye uñwana utin, ye mme flawa, ye mme eto emi enọde uyama ke una isọñ, ye edim eke ebitde mme mbiet emi Abasi okobotde. Ediwak ñkpọ edu emi ikpọkọmde Abasi ibañā. Nte nnyin ikade iso ndida mme enọ Abasi nte akpan ñkpọ, kpa ntre ñko ke mbuotidem nnyin edikpon aka iso ndibọ mme edidiọñ Esie. Eyetuk nnyin idem ndifiọk ke akpanikọ nte ke Abasi edi Edima Ete nnyin, emi ekpemedede nnyin, onyũ oyomde ndinam eti ñkpọ nnọ nditọ Esie.

### **Uyuhọ**

Paul ikafinake idem esie ke idaha ñkpọ uwem emi enye ekenyenede, mme ke ubọñ emi mme owo ekenọde enye. Enye etiñ ete, “Mmekpep nditie ke oruk itie ekededi eke ntiede ye inem” (Nwede Mbon Philippi 4:11). Edieke enye ekenyenede ediwak oro ama ekem ye enye, enye ama onyũ ọkọm Abasi ke oro. Enye ikonyũ itañke-idem ke ini mme owo etiñde nti ikọ ebañā enye, inyũ ibureke mbure ke ini enye enyenede ediwak ñkpọ. Edi edieke enye ekenyenede ekpri, enye ikese-meke. “Ekpri ñkpọ ke uteñe Jehovah ọfọn akan ediwak inyene ye afanikọñ ke esit” (Mme Nke 15:16). Ke ini kpukpru ñkpọ ema ekekure, onyũ ayakde esisit ọnọ ndidia, enye okosuk odu ke idaresit. Ikowutke ite ke enye ekenyene nda-mmāna idaresit, edi Abasi ama ọkpuhọre esit esie emi ọkọnọde enye ukeme nditiñ ete “Edat esit kpukpru ini; Enọ ekọm ke kpukpru ñkpọ” (1 Nwede Thessalonica 5:16, 18). Ndien enye ikoyomke owo ndomo-kiet anam ñkpọ emi enye ke idem esie mkekemeke ndinam. Enye ama etiene “abuana” ke mme etop emi enye ọkọkwọrọde.

Ntak emi Paul ọkọkwọrọde mme utibe ukwọrọ-ikọ, ọkọnọde mme ufọk-Abasi mme item emi akpanade mmọ enyene, onyũ edide uñwam ye ndọñ-esit ọnọ mme anditiene-Christ tọñde ke eyo esie tutu edisim eyo nnyin, ekedi koro enye ọkọbuotde idem ofuri ofuri ye Abasi. Enye ama ọdọhọ ete, “Mmenyene ukeme ndinam kpukpru ñkpọ ke odudu Andisọñọ mi idem” (Nwede Mbon Philippi 4:13).

### **MME MBUME**

- 1 Nso ekedi udọñ Paul emi okokponde akan?
- 2 Nọ ndusuk ntak emi akanamde Paul okop idaresit nte anditiene-Christ.
- 3 Mme anie edi ubon Abraham ke Spirit?
- 4 Nso unen ke Paul ekenyene ke Heaven, ke etiñde ebañā ido ukpono mme Jew?
- 5 Paul akada didie mme ñkpọ emi nte akpan ñkpọ ke ema ekenyañā enye?
- 6 Mme anie edi nditọ Obio-ubọñ Abasi?
- 7 Nso ikeme ndisọhi enyiñ nnyin ke ñwede Abasi ke ini ema ekewewet ema?
- 8 Anie ekere ñkpọ abañā mme inuen? Didie ke eda nnyin edomo ye mme inuen?
- 9 Nnyin ikpọbọñ akam didie?
- 10 Nso ke Paul, owo-mbet eketiñ abañā uyuhọ?